

**2014-imi aningaasanut inatsisissatut siunnersuut
(Allannguutissatut siunnersuut nr. 231)**

pillugu

Inatsisartut Aningaasaqarnermut Akileraartarnermullu Ataatsimiititaliaata

**ILASSUTITUT ISUMALIUTISSIISUMMUT
TAPILIUSSAQ ALLA**

Inatsisissatut siunnersuutip pingajussaaneerneqarnerani saqqummiunneqartoq

Aningaasaqarnermut Ataatsimiititaliaq suliarinninnermini ukuninnga inuttaqarpoq:

Inatsisartunut ilaasortaq Finn Karlsen (Siumut), siulittaasoq
Inatsisartunut ilaasortaq Gerhardt Petersen (Atassut), siulittaasup tullia
Inatsisartunut ilaasortaq Evelyn Frederiksen (Siumut)
Inatsisartunut ilaasortaq Jens Imanuelsen (Siumut)
Inatsisartunut ilaasortaq Per Berthelsen (Siumut)
Inatsisartunut ilaasortaq Hans Aronsen (Inuit Ataqatigiit)
Inatsisartunut ilaasortaq Naaja Nathanielsen (Inuit Ataqatigiit)

Imarisaanut nalunaarsuut:

- | | |
|---|---|
| 1. Allaqqiasiut | 2 |
| 2. Allannguutissatut siunnersuut nr. 231 | 2 |
| 3. Ataatsimiititaliap suliarinninnera | 2 |
| 4. Aningaasaqarnermut Akileraartarnermullu Ataatsimiititaliamit inassuteqaatit..... | 2 |

1. Aallaqqaasiut

Aningaasanut inatsisisatut siunnersuutip pingajussaaneerneqarnerani allannguutissatut siunnersuut nr. 231 Aningasaqarnermut Ataatsimiititaliami suliarineqartussatut innersuun-neqarpoq.

Allannguutissatut siunnersuut pillugu paasissutissanik pissarsinissaq siunertaralugu Naalakkersuisut Siulittaasuat ataatsimiititaliamit aporsorneqarpoq.

Matumuuna isumaliutissiissuteqartoqarpoq.

2. Allannguutissatut siunnersuut nr. 231

Konto pingardeq 10.13.10 Iluanaarutit, aktianik piginneqatigiiffinniit piginneqataassutinik tunisineq

Isertitassatut missingikkat 2014-imik 60 mio. kr.-inik amerlineqarnissaat ukiunilu missingersuusiorfiusuni tamani pingasuusuni 4,0 mio. kr.-inik ikilineqarnissaat Naalakkersuisut siunnersuutigaat.

Isertitassatut missingikkat Namminersorlutik Oqartussat Grønlandsbankenimi aktiaataasa tunineqarnerannit pissarsiarineqartussaasut ataatsimiititaliamit paasineqarpoq.

3. Ataatsimiititaliap suliarinninera

Immikkoortup suliarineqarneranut atatillugu Naalakkersuisut Siulittaasuat apersuinissamut aggersarneqarpoq. Apersuinermi pingarnertut sammineqartut tassaapput ingerlatseqatigiiffik sorleq aktianik tunisiffigineqarsimanersoq pillugu apeqput aammalu aktiat tunineqartussatut neqeroorutigineqarsimanersut pillugu apeqput.

Pisisussat tunngavigisaat pisisussallu taama amerlatigisunik aningaasalersuisinnaassusiat paasinarsisinneqassasoq kissaatigineqarpoq.

Naalakkersuisut Siulittaasuata paasissutissiissutigaa ingerlatseqatigiiffiup Namminersorlutik Oqartussanit pigineqartup Greenland Venture aktianik pisisuusussatut naatsorsuutigineqartoq. Tamanna aningaasat sinneruttut pappiaqqanut tutsuiginartunut inissinneqarnissaannik kissaateqarneq aallaavigalugu pivoq.

4. Aningasaqarnermut Akileraartarnermullu Ataatsimiititaliamit inassuteqaatit

Aningasaqarnermut Ataatsimiititaliami amerlanerussuteqartut, Siumup Atassutillu ilaasortaa-titaasa allannguutissatut siunnersuut akuerineqassasoq inassutigaat.

Ataatsimiititaliami ikinnerussuteqartut, Inuit Ataqatigit ilaasortaatitaat, allannguutissatut siunnersuut pillugu ima oqaaseqaateqarumapput:

Naalakkersuinikkut akunnerni makkunani aalajangersaanerit salaannerpaamik oqaatigissa-gaanni sangujoraarnerujussuartut oqaatigineqartariaqarput. Allannguutissatut siunnersuute-qanermikkut naalakkersuisooqatigiit Naalakkersuisullu ataatsimoorluta aningaasaatitta qanoq atorneqarnissaannik kingumut isummaminnik allanngortitseqqipput.

Grønlandsbankimi piginneqataassutit tuniniarneqarnerat uungaannaralaarsuaq isigaluni iliuuseqarneruvoq, siunertanut allanut aningaasarsiorfissanut aningaasaliissutit atorneqartussaan-gimmata. Aningaasat isertinnniarneqartut nunatta karsiata amingartoorutaanut annertusiar-tuinnartunut matusissutissatut atorneqassamaarput.

Matumani apeqqutaanngilluinarpooq piginneqataassutit Greenland Holdingimut imaluunniit sulifeqarfimmut pisortanit pigineqangitsumut tunineqassappata. Tassami piginneqataassutit taakkualu tunngavigalugit Naalakkersuisunit oqartussaaffigineerutissapput.

Tamatuma saniatigut aarleqquqarneqatigiiflup inger-lanneqarnerani toqqaannartumik akuleruttussaatitaanginneq naapertorlugu iliuuseqarnersut, aammalu siulersuisut namminneerlutik aalajangiisinnatitaanerat kiisalu sunik akisussaaffe-qarusunnersut eqqarsaatigalugit iliuuserisaq pissusissamisoornersoq.

Tamanna tunngavigalugu Aningaasaqarnermut Ataatsimiititaliami ikinnerussuteqartut, Inuit Ataqatigiit ilaasortaatitaasa allannguutissatut siunnersuut **itigartinnejassasoq** siunnersuutigaat.

Finn Karlsen, Siulittaasoq

Gerhardt Petersen

Evelyn Frederiksen

Jens Immanuelsen

Per Berthelsen

Naaja Nathanielsen

Hans Aronsen